

Jekabaara



SNV
Connecting People's Capacities

Cikela ceman n'a musoman kunnafoniseben
a be bo kalo o kalo
Jamana baarada la BP : 2043 Bamako (Mali)

Mali "konseyi ekonomik" ka jaesba kooriko ka sabati kan

ne 3-4-5nan



Musoya te ko lankolon ye, nka, musonin kolon de be a lakari

ne 6nan

Tumani Yalam Sidibe
ye baara kecogo numan jala soro

ne 6nan

Dantigelikan Gise labencogo be baara sabati

A be fo ko : kuma folen koro to ye dalamaga ye. O kuma yere tipetigiya sabatilen te, barisa kuma sebelama bee nafa be a foko caman de la. An be san 2007 awirilikalo de la nin ye. Sounin, an be don samijne kono. Cikelaw ka yanaya jirawaati nogen na foro kono. Senekefen bee ye, cikela nafafen ye, na b'a ke ni dusu ye, min sin-sinnen don keko juman lajini kan, walasa ka samogo-nturaya ke senefenw dalakuruwaati, u sewaati, waliwa u kanwaati la. O kanma, a be fo ko « mogo bee ka keta waleyako juman y'i taanuko ye, awa, mogo bee ka keta waleyako jugu y'i lakariko ye. Ni samijne diya n'a goya dulonnen be sanji hake binta la, i k'a don : "n bololankolon bora nin ko in na dere !" ; Fobaga were t'o la foro kun kan cikela yerlabaarabali k'o, sanji nacogo suguya bee la ! Kabi sisian, a kafisa cikela k'a don a bera sinsin senefen minnu kan, forokene haketilada joli kono. A kafisa a k'a pini k'a don a ka senekeminew be lahala min kan laben siratege

la, barisa cikela sebe bee ka yanaya lasorfen de ye cikeminen ye, (hali n'o kera dabanan kurun ye !)

An ka sabati a kan ko cike taara kakunfekoke waati dan. Sisan, hali foronogo keta, sunungunogo fara angere kan, o donta bee hake be jini ka don cikela yanafe, an'u lasorfeere, kuma te posoninw ma.

Faransuwa Kulibali delia k'a fo n ye don da Sugula dugu kono, Welesebugu ko : "Karamogo, ni cikela dabayanaya ye kunteerekoye, cikeko juman koni ye cikela bee ka lajini ye : ka wulituma don, ka wuli ; ka jinitaw don, k'olu ye bolo koro ; ka labentaw don, k'olu laben a tuma na. Karamogo o de ye cikela juman bee ka dinenatige taabolo ye !"

Faransuwa Kulibali, hali n'a ka fota in fora n ye a meenna, san, o san, a keni be jigin n kono, k'a lase cikelaw ma konoqayea ladilikan siratege la. Cikela juman ka gundow don !

Tumani Yalam Sidibe

Nsirin ne 12nan



Surukuba ka nsirasunko

"Kalan be mogo son hakili la, kunnaffoni be mogo bo kunpan na." Yoro Ulen Sidibe

Fasoden numanw, kalafili waati sera...



Hamidu Konate

San 2007 awirikalo sera, an ka jamana peresidan sugandili kalafili bilalen kalo min tile 29 kan. Ka bisisan, a ka kan fasoden fen o fen sihake be kalafili yamaruyali sihake la, o bee k'a jini ka kalafilisaben soro a kun, k'a tøgø sebennen soro kalafilibagaw jatedøngafeba kono, ani k'a døn ale ka kalafilibonni be sigida kalafilida jumen na. Joyøro nininaw y'u ka kanlasew damine arajow ni telewisønw la. A bee ko : N'aw ye ne sugandi, n ka san duuru jamanakuntigya be ke aw ma here ye. U bu ka daliluw fo, k'u ka baara sinsindaw tereme. A si tena a fo ko : n'aw ye ne sugandi, n ka san duuru peresidanya be ke n bolo n yere ka dijenatige ni n bønsønw ta labenwaati gansan ye !

Sangalaci

Jamana baarada nemaa, ni jamana baarakelaw bee be jeñegønsiraw ladønniya ko u cakeñøgon, madamu Fatumata Cero, fake, n'o ye Laji Nfamara Cero ye, k'o faatura San 2007 marisikalo tile 12. A janajaw bee kera bamako, Hamdalayi kin na, san 2007 marisikalo tile 13 don. Madamu Fatumata Cero ye jakabaara sebenbaga do ye masin na

Ala ka hine taabaa la.

O kanma, an fana kana ke kunfekalafilibagaw ye. An b'a fe ka seben bila mögø min tøgø la nin peresidanya jini-cebow bee la, a ka soro an dalen be o ka faso ni fasodenw kanubagaya la. Barisa faso ni fasodenw kanu be ce o ce la, a be muso o muso la, o te fen ke min be jamandenw jøgin a ka fanga mara tagabolo la. Jamana dun kono, bee be bee døn, barisa bee dønbaga be i koro, jama n'a caya n'a taa bee ! Maaw dun ka dijenatige taabolo kunnafoniw be jøgøn lasøra jøgøn fe de. Awa, foyi man jugu jamanden tigitigi ka fasodenya kunkankow la, fo : "n da te nin ko si la !" O ye fasodenjuguya ye, barisa bee kelen kelen ka birikiden dayørø be jamana ka jetaa kogo la. Awa, n'a y'o dabali to, o wo be to dere !

Kalafiliw ye jamanden kelen kelen bee de ka tufaden dali sababu ye jamana ka jetaa kogo la. An k'o ke ka je an yere danbe kosøn min b'an ke Mali jamana kanubagaw ye. An k'a døn ko san duuru ka jan jamana bilali ma maa sugu bee ka latigebolo kan dere ! O kanma, hali ni nata walima maa-jekørø-musala ya y'a to an k'an kan di døw ma kene kan, gundo bonnin kono, an ka Ala laje, k'an danbe sankørøta ni kalafilisaben bilali ye mögø tøgø la, an yere dalen b'a la ko jamana marako numan feere be min kono, n'a cesiri b'a la, awa n'a ka kantigya sabatilen don a ka walew fe !

**Hamidu Konate
Jamana jøema**

Møgømøkønø

Daga te sigi
E maa min tøgø la,
Kuma te k'i ninjørø minen
Sigi a danma a to bolen na,
E sako were te o ko la :
N'an k'a dun kø de !
Dijø kono,
Maa bee ye i yere ka maa ye,
Nka, o yereya
Waleyacogo
De be ce ke
"N'an k'a dun"
Menbaga ye
"N'an k'a dun,"
O menbaga de ye møgøma
kønøn ye,
Mun danbe, de ko don ?
A ka adamadenya,
A ka yerewoloya
Bee be lakodøn
Maa were de ta sen koro !
O te adamadenya jaasilen ye
wa ?
O de kanma,
Karisalakaw b'a fo ko :
Fa ta,
Ba ta,
Sanga barebare
Be yere ta de la dere !
Aa ! Dijø tijø girin dø dere

Tumani Yalam Sidibe


Hakilisenekene

Kuma ko don dere ! A ko : mun be n diya ? N føcogo. Mun be n goya ? : N føcogo. Fen bee kørøsigi ka di n'ale de ye, n'i sen t'a la, barisa, n'i ma ke yeredønbaga ye, a b'i se don a yere la. Yeredøn, jaa, a be ko bee kono dere !

Tumani Yalam Sidibe



“CESC” ka lajeba kōorisene taabolo bilaliko kan kenyereye ka bolo kan



Kōorisene taabolo bilala kenyereye ka bolo kan cogo o cogo kōorisenenaw kōni ka cesiri de b'u ka sōrō kofō

“CESC” (kōnseyi ekonomiki) ye jamana nēmaaw ladilibaga jekulu cakeda ye jamana nafolosiraw lādoncogo kan, ani adamadenya tāsira, ni ladamu dənnisiraw kan. Nka u te yamaruya kōnō ka yelema don ko la. Nk'a kā c'a la, u ka fōtaw bē mine ni barika ye ja manā nēmaaw fe, ka d'a kan mō

gōw don minnu sugandira jamana ka jetaabaaрадaw kōnō. Mali kōnseyi ekonomiki nēmaa-sigidaga bē kuluba, Bamako. Nka, u ka kunnafonisiraw bē jamana fan bēe, cakela suguya bēe sunw kōrō. Ntēnendon, san 2007 feburuyekalo tile 5, kōnseyi ekonomiki tun b'a ka ladala nōgōnye la, min tora senna feburuyekalo tile 19 don. Kōnseyi ekonomiki ka nōgōnye o kun tun sinsinnen don Mali kōribaara taabolo bilaliko kunkanko de kan, kenyereye ka bolo kan. I n'a fō a ka nōgōnye tōw, kōnseyi ka ladala-nōgōnye in nēmaaya tun b'a nēmaa de bolo, nō ye Musa Bala

Kulibali ye. Musa Bala Kulibali y'a pereperelatige k'ale ka cakeda bē feere bē de tige walasa Mali kōribaara taabolo bilali ka ke kenyereye ka bolo kan ladiriya kōnō. A ko kōlajini de y'a to Mali « kōnseyi ekonomiki » ye ko nējini cidenw bila ka taama kōriseneyorōw la k'a tas 2006 utikalo tile 14 na ka sā tile 27 ma. Olu ka taama kun tun ye kā jini k'a dōn baara ketaw bē taa bolo min kan CMDT ni Ətuwale maraw kōnō.

Kunba min ye Mali « kōnseyi ekonomiki » bila nin baara in na, o ye kōri jōyōrōba de ye Mali ka jetaa sabatili la. Ale de bēna i jōyōrō filanan na Mali kōnō kōkanfen feeretaw la, sanu kōfē. Awa, a kera sira tilennen fe wo, walima sira lamini were fe, Maliden mōgō miliyōn saba ni murumuru 5 (3,5) de ka dijēnatige dulonnen don kōri la. O bē se Mali mōgōhake kuu-ru kēmetilada 32 nōgōn ma (32%)!

Nka, kabi 1997-1998 baarasan

na, Mali kōribaara taabolo bē geleya kōnō. O geleyaw sababu bēra kōrimugu da binni na dijē kōrisuguba kōnō, sōrōw hake dōgōyali nafoloko siratege la ; kōrisenew kanna juruw danmatemē caya ; k'o kuncē kōri hake sōrēta yere naga-sili la. O bē de kera sababu ye ka kōrisenew ladimi, k'u jo u kēlesen kan, nō kuncēra u murutili kan kōrisene ma 2000-2001 baarasan na.

Kōnseyi ekonomiki peresidan Musa Bala Kulubali ka fō la, CMDT bilali kenyereye ka bolo kan o te kē kun were la Mali dēmē nafolobēlaw ka lajini kō an ka nafolo sōrēdaw labilaliko la kenyereye ka bolo kan !

Jōrenako

Mali “kōnseyi ekonomiki” b'a fē k'i kōgō da ko min kan, o de ye a pi-nini ye ka feerew tige minnu bē kenyereye in kōlōlōw nōgōya. Jōrenako fōlō min bē Mali kōnseyi ekonomiki la, o de ye ko ni wale in tēna ke sababu ye ka kōrisē dabila an ka jamana kōnō. Nō dun kera, Musa Kulibali ka fō la, o da man di an na, barisa Mali kōriseneyorōw de fana ye an ka jamana sumanseneyorōbaw ye, ani a bagamisen marayōrōbaw. A ka kan olu ka lakana ! Hali n'a kera ko hake dōgansan de bēra kōrisene lahala la

Mali kōnō yan, o te taa geleya donnī kō an ka dunkafa sabatiko la.

Kene kelen in kan Nfa nānāma Kone fana ye kuma ta, nō ye cakeda nēmaa ye min sigilen don kōribaara taabolo bilali labēnko ju-man siratege la, kenyereye bolo, nō

A tō bē nē 4 nan kan

Jë 3 nan to

ye "misón de resirason" (kœribaara labenbolo kura cakeda) ye. Ale kumana baara in taabolo n'a kecogo an'a kuncéko juman feere tigelenw kan.

NFapanama Kone ka kuma bilalen kœ, CM DT ni Otuwale maajemaaw fana ye kuma ta, ani

kœrisene cakeda fila olu baarakelaw ka sendika maajemaaw, fo ka se cikelaw ka maajemaaw ma.

Nk'an k'a dœn ko tœnsigi kuma sigida fœlœ yere latemebaga fœlœ kera Mali jamana seneko minisiri de ye, n'o ye Seyidu Tarawele ye. A ka kuma bolila sababuw de kan minnu nana ni Mali kœribaara taabolo bi-

laliko kuma ye kenyereye ka bolo kan, ani baara in kecogo, an'a be se ka bange wale minnu na. Tœnsigi in baaraw tora senna fo kunjœgœn fila de.

**An ye jemukan hakilina bœ
"Les Echos" kunnafonisœben
bœko 2839 de kœnœ.**

Abudaramani Dikœ ka lase don.

A bayelemabaga
Tumani Yalam Sidide

Musa Bala Kulibali Kumana Ameriki ni Erœpu ka deme kan ka jœsin u ka kœrisenenaw ma.

Mali "kœnseyi ekonomiki" ye tile 15 de kœ ka lajeba la. Kœriko taabolo kan Mali kœnœ. Tile tan ni duurunan, o min tun y'a kuncedon ye, jama welelen ye jœgœn sœrœ kœnseyi Ekonomiki dagayœrœ la, Bama-ko (Kuluba). O benna taratodon de ma, san 2007 feburuyekalo tile 19.

Laje in kunce kœne kan, Musa Bala Kulibali kumana dijœ jagoko tœnba, OMC, taabolo jugu kan, min b'a to a t'a jini ka dan kari Ameriki ni erœpu ka deme na ka jœsin u ka kœrisenenaw ma, o min bœ ke sababu ye ka geleya don an ka kœrisenenaw ka sœrœ la sira bœœ fœ. Musa Bala Kulibali y'a jira ko an ka kœribaara taabolo bilali kenyereye ka bolo kan, o wale bœœ ka kan ka ke feere tigelen de kœfœ, min bœ ke sababu ye ka kuma jœgœnya don an ka jamanaw, ni Ameriki ani Erœpu maajemaaw ce, u ka dan siri u ka deme na ka jœsin u ka kœrisenenaw ma - Musa Bala Kulibali y'a jira ko a tœ faamu cogo si la ko dijœ jamanaba minnu kumakan ye k'olu be kenyereye sœratigiya lakana dijœ kœnœ, olu yere ka ke jago-ko taabolo sariya sœsbaga jœnaw ye.

N'i y'a jateminœ, Ameriki ni erœpu be deme min lase u ka



Musa Bala Kulibali, Mali "kœnseyi ekonomiki" peresidan.

kœrisenenaw ma, o bœ jagoko jœgœndan ladaliasira de fœjœgœnkœya kœrisene siratege la, barisa mœgœ min be deme damatemœ sœrœ a ka baara keko juman fara a keko jugu kan, o tigi ni deme sœrobali te se ka ye jœsen kelen kan sugu si kœnœ. O de kosœn a bœna ni dijœ kœri - sugubaw geleyali ye an ka kœrisenenaw ma Musa Bala taara ne, ko : fen min ye hali kœri sœngœ binni ye, o bœœ juba bœ Amerikiki ni erœpu ka deme jugu in taabolo la ka jœsin u ka kœrisenenaw ma. Musa Bala Kulibali y'a jira a ka kuma kœnœ fana ko kœri jœda yere kanma an ka jamanaw kœnœ, ale min

bœ Mali cikela mœgœ miliyœn saba ni kœ kun kan ko, hali n'o ma jœ bilali kœ kenyereye ka bolo kan, ko Mali gœferenama man kan k'o ko ke balaka balakako ye. A ko k'a ka ke cogo bœœ la walasa a ka ke kœrisenenaw nafako ye. Musa Bala ko n'o de kera hakilisigi bœ sabati an ka jamana kœnœ, ani ka jamanaden fanba ka dijenatige sœrœ basigi.

Nin laje in tuœn ye Mali kœnseyi Ekonomiki ka ladala-laje duurunan de ye a ka manda sabanan in kœnœ. A kafisa Mali gœferenama ka feere bœœ tige walasa ka ladilikan dilenw temesira waleyœ a jœma. O b'a to sini nata, Mali kœrisene kunkanko bœœ bœ waleyœ cikelaw ni u kokœ jœgœnw, ani maliden bœœ ka kadara kœnœ. Fen min ye dijœ jagoko tœnba "OMC" sariya sœswale ye, n'o ye Ameriki ni erœpu jamanaw ka deme ye ka jœsin u ka kœrisenenaw ma, o kœni kuma bœ sen na an ka jetaa-jamanaw kœnœ ka bi waati jan. A kafisa an ka maajemaaw, Mali kœnœ, Burukina kœnœ, cadi kœnœ ..., olu bœœ ka wuli ka kuma jœgœnya sira bœ u ni dijœ setigi jamanabaw ce, walasa u bœœ dan siri o demew la.

A tœ be ne 5 nan kan

Jne 4 nan tɔ

Koɔrisene nafa be ye hali an ka jamana dunkafa feere tigedaw la !

Nka, sanni o ka se ka waleya an fe, o min te bi ko ye ka d'a kan dème in kelen be san caman ladalako ye

dijne setigi jamana ninnu kono, a kafisa an k'an banban koɔri juman sɔrɔba feerew tigeli kan an ka ja-

manaw kono. O de be Mali nafa, barisa a be CMDT jo jøsen kolo girin kan dijne koɔrisene baaradabaw jøyørø kene kan, a b'a to fana an ka koɔrisenenaw b'u ka dijnenatige musaka sɔrɔ u wøosi la ni koɔri kelite jumanw cikeli ye. O fana ye kenyereye ka bolokanbila sira jønjønba ye min b'a to a be ke Mali jamana, ni koɔrisenenaw, ani CMDT tabaga kenyereye tigilamøgøw ka nafako ye.

Tumani Yalam Sidibe


"Nin ye Independant"

kunnafonisèben kono ye, n'o y'a boko 1662 ye. An y'o dafa ni arajo Mali ka lasew ye.

Kenyereye bolofara dɔ sigira sen kan koɔrisene taabolo siratøge la Sikaso !

San 2007, feburuyekalo tile 25 Skera donba ye Sikaso dugu kono, ka d'a kan waleya min kɔronbokari kera, o ye wasako ye dere ! Nin don in, fasoden ladiri da, nɔ ye Usumani Sidibe ye, o ye cakeda dɔ dayelen peresidan Amadu Tumani Ture ka jømaaya kono, min be koɔrisi dilanni, a lajoli, an'a kadara benni baaraaw kan ka ben an ka seneko taabolo ma. Suman-siw fana be dilan silabo izini in fe ; jø ; so ; kaba...

Usumani ka silabo izini in kɔronbokari kera CMDT jømaaba Usmani Amijn Gindo yere jøna. O ka kuma kono, a y'a jira ko : nin ye wale ye CMDT tun ka kan ka min waleya kabi san 30 ka køn jønan jø, ka d'a nafa kan koɔrisene sankɔrøtali la Mali kono. A ko ko ni kenyereye de sera k'o waleya bi, k'o ye here ko ye, barisa o fana be



Koɔribaaaa ni koɔri nɔfe iziniw de be taa jøgøn fe.

don CMDT bilaliko kadara kono, kenyereye ka bolo kan !

Sidibeké ka silqøbø izini in bøna ke sababu ye ka denmisøn caman, ani dutigi caman de bolo don baara la. O fana ye herekoba ye

dere ! Ala ka baara in taa jøe !

An ye nin kunnafoni sɔrɔ "Africable" kunnafonidi kerenkerennen kono, san 2007 feburuyekalo tile 27 tarata sufe.

Tumani Yalam Sidibe

Politikiko taabolo : Musow n'u jɔyɔrɔ

Dijne sigida bee kono, wagati bee la, musow sendonna adamadenw ka dijenatige yelembawo bee waleyali la. O de koson, an ka maakorobaw bennu kan waati bee ko : muso sen te ko o ko la o ko tene ke ko were ye ko lankolo ko. Awa, n'an y'an ka tariku tagabolo fana laje, an be t'a soro ko an benbaw bee ka dijenatige kono, u ka adamadenya tagabolo siratege bee la, u ka sigida mara n'u ka du mara si-ratege bee la, u ye keneboda di musow ma. O de kanma olu tun ye ceba bee ladilibaga berebere ke a furumuso ye. Cew ka nɔgɔnye kene bee kan, ni nɔgɔnfaamuya tun geleyara ka da feere jɔnjɔn sɔrobaliya kan jama kunkanko la, dugutigi hakilima tun be nɔgɔnye kene wuli, k'a sigiko kura boloda k'a bila sini kan, ko bee ka taa so, ka su ke miiri jan waati ye, barisa "su dibi" ye hakili dayelen waati ye ! O tun be ke walasa ce bee ka taa a furumuso jininku sufəbaronin senfe. Ayiwa, dugu be taa je yɔrɔ o yɔrɔ, o b'a soro ce bee y'i ka fota don, barisa bee muso b'i ladi !

"Musonin" de be musoya ke mone ye dere. Aw m'a ye, ceba si togo ma don dijne tarikugafe kono abada muso do togo ko. N'an ko ko "Nabila Isa", an b'a fo ko : "Mariamu Senu".

N'an ko ko : "Seyidina Mohamadu", an b'a fo ko "Kadijata" ; N'an ko ko "Turamagan", an b'a fo ko : "Naren Kunba" ; N'an ko ko "Jitimu Bala", an b'a fo ko "Tenen" ... "peresidan Modibo Keyita" be a muso "Mariamu" kofɔ... Jaa muso kolon de ka nagasi be mone don muso tow bee la dere ! Ce janjigiw kelen be ka dijne fa cogo min, an k'a don ko muso janjigiw fana kelen be ka dijne fa ten de. Awa, dijne te diya abada ce ni muso ka benkola berebere ko adamadenw kunkankow jenaboli feerew ninini na. O b'a jira ko jamana joli siratege la, ceyako te, musoyako te, nka fasoden yanaya kelenpe de ko don. O kanma, san o san, ni marisikalo tile 8 sera, ne be wasa ni musow pagalilen yeli ye u tɔgəladon in jenajekene kunna. N be pagali, barisa n b'a ye ko cew ni musow bee b'a don jenaje ke nɔgon fe. O ye wasako ye, barisa, hali birow kono, baaradaw bee kono, jamana maradaw bee kono, cew ni musow bee be fasojøbaara kelen de ke. An ka musow jɔyɔrɔ sankorota walew ke, barisa, ni musonin kelon de be musoya jaasi, ce lankolon de fana b'a mako bo musow la, ko barisa musow don danma !

Tumani Yalam Sidibe

Kunafoni nafamaw

Tumani Yalam Sidibe ye baara kecogo numan jala soro !

Ku da jekabaara kunafonisben kono kunafoni ditaw lasecogo juman lakika kan, Beliziki, n'o ye Eropu jamanaba ye, o ye bonya-jalaba di Tumani Yalam Sidibe ma, min b'a ka baarakebolo cogoya bila dijne kunafonidilaw bee taa ne fasokanwla kunafoniko si-ratege la. Awirilikalo in yere la, Tumani Yalam Sidibe ka kan ka t'o jala mine Beliziki.

Nin ye ladiyalifen ye min wasa sɔrebaga be teme Tumani Yalam Sidibe kelenninpe kundanma kan, ka jekabaara dungew bee lasoro, kalanbaga kunda, sebenbaga kunda, fo labaarasira were kunda. O kanma, an bee de be waso ni Jala in ye.

U ko...

Ni kongo be jamana kono, o jamana kono sigi man di. Ni kongo be dugu kono, o dugu kono sigi man di. Ni kongo be du kono, o du kono sigi man di, ben to du kono ! kongo de be je dumanbaw ke je gomanbaw ye dere !

Umu Dede Danba
Denkildamuso ka be kayi

Faatɔ mineni, k'a lakuru a nema, o de ka gelen n'a kun dili ye. Awa, an k'a don ko mɔgɔ fu, fennabɔno de b'a kɔgɔ da ko gelenmanyɔrɔ la, k'o lateme ka soro ka kamangan a nɔgɔyayɔrɔ latemeni na !

Solomani Jakite,
Jamana baarada cakela do

Sanu filenin, wari filenin, bo filenin, an k'a don ko nin si man fisa ni si ye, barisa a kelen kelen bee n'a fiyeda don ! Aw m'a ye, dijenda-masa in ma ko si ke gansan dere, barisa a ye dijenatige bee nafa ben a kecogo ma.

Bugari Fonba Sidibe
Ka bo Sirakɔrɔ, Kita kafo la

Sanu negenin ni wari negenin, nin bee ye Adamaden ka dijenatige masirifenw de ye. Mɔgɔ de dun b'a tile ke, nka maa si te balo ka dijne laban !

Tara Buware Donkilidala,
ka bo Segu mara la

Hali ni finsigi te do ta ka bo doni girinya la, a koni dako numan be kunkolo jɔsen maben haate doni kɔrɔ. Awa, finsigi dako numan ; kunkolo jolen ; minen sogolonco-gó ce ji, o fen saba dafalen de be doni bo dugu ka se dugu !

Mora Kaninba Sidibe
Ka bo Birigo, Kita kafo kono

U ma ni, a y'u bëe to yen !

Nin yëro in na, an kumana fën caman kan, adamaden farikolo kenyea sabatili siratege la. Nka, wale jugu fila bëe yen, an ye minnu fôli bögörédon kosebe, Ka da u maasiba bonya kan an ka kenyea ma. O fën fila ye sira ni dëlo ye. (Olu dafalan kera bögörön ye, juguya siratege la !). A kera sira ye wo, a kera dëlo ye wo, minu si kelen minni, cogo o cogo la, ma ni an farikolo kenyea ma. Nka, mögo minnu fana dun be u minnu jögön fe dun ? o ye maasiba sanga körötali ye maasiba were fe dere. An te an da se "bögörön" ma yan, ka dà kan o be muso kunda de fôlo an bara yan, hali ni celaka danbe jaasilen kelen kelenw fana bâ kan, Awa, muso siraminna walima a dölominna fana hake te cew ta bô an bara yan. Nënte, "bögörön" fana ye an ka kenyea lago-sifenba ye, barisa a b'an dusukun ka baarafanga dögoya, k'a n joli ka boli fanga hake dögoya, ani ka jolida juguw bila an furu la, nô ye fürudimi ye. Fen min ye sira ye, a mugu-keta nen kën, a sisi sanmanta, fo ka se a samanta ma nun fe, sira ma ni cogoya si la, barisa a mincogo bëe n'a ka farikolo yëro jaasita don : dusukun ; bijen ;



Neda numan te ye yere tanga kô !

kunseme ; joli, fo ka se nén ka diyatafen lagosili ma.

N'i ko dëlo, ale maasiba bëe se farikolo yëro bëe ma, nk'a fanga ka bon haali adamaden hakili lagosili an'a joli je rëti jëni walew la kosebe. O bëe de kanma dölominna farikolo dayelennen be waati bëe ka tansönbawaw ; sögösögöbanaw ani hakilitijëbanaw makönön.

Ni mögo min kelen dun kera sira ni dëlo fila bëe kanubaga ye jögönfe ! e koni de tögë ye : don dë bakkafaatu ye, barisa minen tena soro i farikolo kônö belen min b'a dabolo numan kan !

Djëne in kônö, ko si te ke gansan. Awa, adamaden farikolo yëre kecogo bâ jira ko ni a be latangako

numan kônö, a ka mœnsila de ye latige bërebëre ye : kân farikolo tana mafenw dëñ dunfenko la, minfenko la ani kewaleko la, o de be an ka sijantigiya sabati farikolo kenemman kônö. O de fana ye dijësosigi daamu fôlo ye !

Awa, dögötöröw yëre ka fôla, farikolo fen o fen sabalilen don nin lakana sabâ kan, a ka c'a la, o de tilgilamaa ta ye nafolo ye, barisa a ka furasan bë dögoya !

N delila k'a men maa dôw da ko "farikolo ni dunfen, walima minfen min mana deli jögön na, o te fen k'a la belen !"

O te tijë ye dere. Fen o fen te farikolo balofen ye, o ye a fagafen de ye. Tijë don, ko dô be kun farikolo dô ma waati kônö, ni dô ye, ka da farikolo pasadoncogo yëre kan, nka a dabilabali te kunce ko were kan farikolo bônsenkan kâ de !

An ka dëlo to yen, an ka sira minta n'a sisi samanta, an'a nun-nafiyeta to yen ani bögörön. N'a n dun b'u saba bëe kanu da jögön fe, an k'a n kun bô u kôrø k'u bin duguma. Nënte, n'an-m'a n kun bô u kôrø, olu de b'a n bin duguma dere !

Bögörön, bögö dunta, aa ! Maasibafenba ! Bögörön ma ji an ka kenyea ma, a ma ni an danbe ma, a ma ni an ka dijënatige taasira si ma.

Tumani Yalam Sidibe

Negenekebaliya bana fura

Kabini Ala ye dijë da, a ye bana, da ka sababu fana da. O siratege la, Jekabaara kunnafonisëben sebenbagaw yâ ñaniya ka Jekabaara kalanbagaw kunnafoni sababu dô la n'o ye sugunekebaliya bana furakecogo n'a kumbencogo ye

- Baro jukorëdiili kuru kelen, fila walima damado ;

- lenmurukuminin

Dilancogo

Baro jukorëdiili bë siyën, k'a

sanfenogow bâ la, k'a ko k'a je.

- k'a tige-tige
- k'a ke daga kônö
- ka lenmurukumunin tige k'o k'a la.
- k'a tobi fo k'a mö kosebe
- N'a mona, i b'a ji seëne minen jelen dô kônö.

Tacogo

- Mögököröba : wereba je tilance sije saba tile kônö (sögöma, tilegan fe ani su fe).

- Denmissennin : k'a ta kalo kelen

na kâ bila san kelen na, furamin kutunin je kelen tile kônö sije saba (sögöma, tilegan fe, su fe)

- Denmisén : k'a ta san fila la ka taa san duuru la, teminwëre tilance sije saba tile kônö. (sögöma, tilegan fe, su fe).

Kolosili

Fura in wôlökôlen de bë min tuma bëe (ji min man kalan, a te kalamán, fe, a te sumalen fe).

Yusufu Fane

Koɔrisene labenw sigira sen kan Ətuwale kɔnɔ

Ctuwale, n'o welekan teremeda ye "OHVN" ye, an ye a lase aw ma Jekabaara boko temenen dəw kɔnɔ, ko Mali koɔribaara bilali kenyereye ka bolo kan siratege la, ale bəna ta Fana CMDT cikemara fe, ka ke bakurunba kelen ye. Nk'o n'a taa bəe, labenw be ka ke a jəma Ətuwale jəmaaw fe walasa a ko ka ke koɔrisenew ka wasako ye. O de siratege la zoniba naani sɔrɔla Ətuwale kɔnɔ ka ban min taaʃira barikali be nəgɔya don cikelaw kələsibaaraw la ka da u don nəgɔnma siraw kan.

An ni an balimake Seyidu Buware, n'b ye Ətuwale baarada jəmaa do ye, masalara feere tigelenw kan Ətuwale kɔnɔ, minnu bəna ni Ətuwale mara kuuru bisigili ye ka ke zoniw ye, ka da sigidaw ka donjəgənnasiraw kan; adamadenya taa bolo, ani sɔrɔ cogoya taabolo kan. O zoniba naani ni sigidaw tilacogo file : ka ben sigidaw hake ma :

1 - Kangaba zoni : Ale ni Bankuma-na be taa

2 - Kati zoni : Falaje ; Kolokani kɔridinasɔn

3 - Welesebugu zoni : Guwani ; Dangasa

4 - Kulikoro zoni : Sirakɔrɔla

I n'a fə a be cogo min CMDT kɔnɔ, Ətuwale cikelaw fana bannen don kosebe sumansene kan koɔri senkɔrɔ. O ba fana jəyərəti-giya haali dunkafa hakilisigiko la an ka jamana kɔnɔ.

N hakili b'a la-ko cikela do delila k'a fə n ye Dəgela dugu kɔnɔ Kangaba ko : "Sidibe, an k'a jamana kɔnɔ yan nafolo nata mana cikela min bila ka sumansene ke bolok-əfən bilataw do ye, a ka ca la, i ka nafolomugu laban bəe b'a yere sɔrɔ sumantigiba do ka wagande kɔnɔ dere !

O de kanma, tige don koɔri forokeneba in be cike n fe san o san, ka nafaba sɔrɔ a la. Nka, sumanforo tarikhake caman fana be cike n fe san o san". Mulayi tun te nkalon kan dere o kumaw fəli la, barisa a be nin fə n ye waati min a tun b'a ka kabaforo de kɔnɔ, min yeko juman tun be hali məgə teməbagaw nisəndiya. Awa, Mulayi Keyita n'a nəgɔn caman dere Ətuwale kɔnɔ, kabi san 1980 waatiw la !

Baqaraw be sen kan cogo min Ətuwale kɔnɔ, o b'a to an ka sementiya a kan ko, a kan ko a ko labanna jə o jə ma, koɔrisene tənə

bə a kɔnɔ cikelaw jogo la belen !

Tumani Yalam Sidibe

Dige bankiw jera ka don CMDT kɔkɔrɔ !

San 2007 feburuyekalo tile 20 kera Mali koɔrisenew ka donba ye Pari dugu kɔnɔ, n'b ye Faransi jamana sagaba ye. O don de, CMDT dəmə bankiw, n'olu ka jənəgɔnya sinsinbaga ye "BDM" banki ye, olu ka kolatigelaw ni CMDT jəmaaba Usumani Amijon Gindo tun be kene kan.

Lajé in kun tun ye dəmə wari miliyari 75 de bilali ye CMDT ka bolo kan koɔriko n'a musaka bədaw dalafali siratege la. I n'a fə "BDM" banki jəmaaba Abudulayi Dafe ya jira cogo min, CMDT kɔkɔrɔdon bankiw bennə kan ka se-fawari miliyari 75 in bila CMDT ka bolo kan de, walasa ka san 2007-2008 baarasan taabolo laben a jəma, ani ka koɔri sanni-feere n'a nəfebaara waley a jə bere kan.

Nin ye kunnafoni ye an ye min sɔrɔ Faransi arajoso ka lase kɔnɔ, n'o ye "RFI" ye. A kunnafoni lasedon kera san 2007 feburuyekalo tile 20 don ye.

Tumani Yalam Sidibe

Peresidan Amadu Tumani Ture ye koɔrisenew hakililatige !

"Les Echos" kunnafonisəben boko 2852 kɔnɔ, kuma kera peresidan ka fetafə kan ka jəsin koɔrisenew ma. A ko : "Mali goferenama be dəmə don koɔribaara taabolo ma ka yelemacogo sira bəe kan, kenyereye ka bolokanbila siratege la. An be koɔrisenew jukɔrəmadon jənəgɔnw fanfa, ani ka feere bəe

tige walasa koɔri bayelema iziniw ka caya an bəra yan.. Bi, an yere b'a n ka koɔri hake 2 % dərənpe de bayelema. O man kan!"

Sidiki Y. Danbele

Ka bo "les Echos" kunnafonisəben boko 2852 kɔnɔ (bayelemabaa Tuya Sidi)

Sinbo

An ka jamana tariku la, jøyøroba abe Sinbo la. cøya majemukan don. Sinbo taabolo kerenkerennen ye fën min ye, o ye k'a be kuma dongsow de kan waati bëe : kolo sëemesusuw ani jolikenemew ! O kanma, danfurance belebelen b'a ni an bara cø-majemu dønkili tøw cø, i n'a fø yangara ...

Ni yangara bennen don cø bee ma, Sinbo køni ye kungo cøw de halala ye.

Sinbo døncew

An bara Mali kønø yan, an k'a døn ko kungoce caman ye Sinbojala siri dere :

Sinta Seriba, o ye Sinbo døn ka bø Sintan ;

Yekebugu jønke kunba kulibali, o ye Sinbo døn ka bø yekebugu ;

Cøw y'a døn wasolon ; cøw y'a døn kaman, cøw y'a døn bamaanna, Beledugu fo Balanzando ; Cøw y'a døn jedugu ...

Sinbo n'a tanaw don :

Sinbo be teere jugu lase cø ma fën saba de la, minnu mineni a bolo hali døenin, o be tanga, barika, ani

hiyabu bø a ka cøya kan :

- Fadento
- kannankolonfø
- Desenyørela.

Nan te bi la, o fen saba "kønba-ga" yøre de tun ye bamaanden hørøn bee jamu ye. Nka, dije tø bolo kørø kan belen, barisa sønkala bee tununa topasala ma. Ni sonkala dun ma ye topasala fe, to dunnanw ta tena ke døwøre ye, to magandun kø ! Nk'a bennen be an kán da don bamaanna tana saba ninnu na, k'u fasari bi maaw ye, barisa dije yølemabolow kosøn, bamaanna cø bee t'u døn belen :

● **Fadento** : O te cø were furumuso ye wa ?

Awa, følø, bamaanden hørøn bee tana tun ye cø were muso ye, barisa, a ninini be barika bø cøya masirifen bee kan !

● **Kannankolonfø** : Bamanaanden yørewolo bee tun be siran kuma ne, barisa ale min kelenpe be tanga d'a føbaga kan n'a føra a føwaati, a føko, ani møgø ye a ni min ka kan, a be a føbaga saramaya ; o kuma kelen følankolon b'a føbaga bila wuluw fe ! O kanma, a tun ka gelen følø bamaanden yørewolo tun ka layidu

d'i ma, barisa, n'a tun y'a d'i ma, hali ni dije de tun ko don, a tun b'o bø a sira fe, walima ale yøre tun be dije to !

● **Desenyørela** : Dusu tun be bamaanden na dere. Nk'a dusu tun sigilen don hakili de kan waati bee. O de kanma, dusu tun tø bila ko si la min n'a ka ladamu te taa. Bamaanden bee tun dalen be ko kelen min na, o de tun ye nin ye : Ni dusu ye cø o cø bila ko kebali wolo kan, a b'o fosi i kørø k'i bin neri takise bilen kan !

Sinbo Salaba ko "sogosogo Sinbo

O tun ye mande danma Sinbo ye. Ale tun ye donso ye kungo kønøsogow n'a waraw kan ; ale tun ye donso ye keledagaw kønø cø disi ferelenw kan ; ale tun ye donso ye fana so kønø, denbaya ladamuko juman sira kan.

An ka kan ka ke jømaa ninnu jøgønw ye, o de be dije diya an bolo dere ! Maa kana ke maa wøre ye, nka i ka k'i yøre ye. O de be dije diya i bolo barisa sara were te dijesosigi la yøredøn kø !

Seriba Misa Jalo
Ka bø Buguni

Furaci ye bamananna lada kørø ye

Nin san in na, Basabugu cøkørø-baw ye wele bila numu famølø Fane ma, a ka na denmisenniw sigi nege kørø. Du kelen kelen kelen na bee ye ci bila u somøgøw ma furaci in na. U fana y'u laben.

Kabini Alamisa wula fe, dunanw ye nali damine; Duw bee kera dunanjiginyørø ye. Musow be dunanfanatobi la fan bee. Bee k'i ta ka diya. Kamalenw be taakaseginw la duw ni jøgøn cø. Denmisew be pankapuruti la yørø bee. Hohaho tun be dugu kønø.

Følifen caman mankan be Basabugu dugu kønø :

Donsonkøni, buru, gønba, sogoninkun, ani cøbilence. Surafanatow dunnen, bee y'i jøsin fereba ma, hali denba konøgannenw sera yen.

Donsow ye tulon datige ni kene wusuli ye n'u ka mugukanw ni filekanw ye. Sanni kene ka duuru, dugudenw tulo kan. Ladatigi y'o lase jama ma : "ko bee n'a waati don denmisew ! bi ye bi ye n ka kunu de temena følø. Maakørøw n'an ka dankørøbaw ko ka nin filankulu in fo, k'u ye jigi fa bawo u kera jøgømedenw ye, u ma ke badenw ye. Kønø bee fan be ye fo nkunanje. U kera nkunanje ye bawo u ma ladaw søsø don kelen. Ayiwa ! Sisan u bena don cøw ka bulon kønø. An b'a jini u fe u kana jines u jujøn kø. A y'a døn følø sann'a w ka se tøne kene kan."

Famuguri n'a ka cødenw n'u kørøw børa furaci kene kan ka fere la mini. Marifakan børa, denbaw donna k'u denw bolo kørøta. Denba

minnu jøji ka teli olu y'a ke kasi ye ka bø. Cefarinyadønkili dara u kun. Burufiyelaw tugur'u kø. U ye fere foori sije kelen ka kene bila. Dugutigi n'a nøfemaaw fana seginna so ka kene to dugudenw ye. Kene bila-la denbaw, kamalenw ni npogotigø de ye følø. Denbaw ye kene fa dewu. U ka dønkili følø kera nin ye : "Beledugu hørønya ka bon, fura taato Ncibugukaw bolo"

U laminina fan bee fe. Følikan, kuyukanw, furá ! fura ! fura ! fana ma køtigø fewu denbaw fe fo ka taa u segen yørø min. Cøbilence y'a dadon fo su selifana. Olu ye kene bila køtedønnaw ye. Jøgøntigø dabøra sa de ! køtedønnajana Nci y'a seko bee ke nin su in na. Jalaw filila a kan npogotiw fe. Bee k'i ka jala ka sà ma. Tulonw tora senna fo ka bolokodenw taawaati se bolokoli kene kan.

Yusufu Fane

Lamini bagonw lakanani

Sogo-caman tun be soro Mali Skungow kono folo. N'i tun ye dugutaasira mine, kabin'i be soforokun teme, i be sogo misennin caman ye, i n'a fo : mankalanninw, nsongsanw, nkeleninw, kamiw, wolo, ngonw, sulaw, bubuninw, minajaninw, ani sogo misen werew.

N'i tun taara wulaba faantabantan kono, i tun be sogo suguya werew ye minnu ka bon ni folo yelenw ye, i n'a fo : sigiw, dajew, minanw, samaw, sonw, jefaliw, kono-sogoninw.

Kungosogo werew tun be yen minnu ka farin o ye farinya dan ye : jaraw, ni jaramajanaw, ani surkuw ni kungowuluw.

Folo, donsoke tun mana wuli k'a be t'i sennayaala kungo kono, na ni minan kelen ma na, a ni le walima sogo suguya werew be na. Denmisew ni wuluw tun mana bo, olu ni sogo misenninw tun be jigin so : wolo, kamiw, nsongsanw, korow, kacaw.

Tuma daw la, dugu misennin daw tun be felebo dagoda. Dugu maa keneman bee tun be nogen soro yen, u ni sogo caman tun be jigin so. O felebo tun be ke san kono siye kelen.

Nin si ma fen bo an ka kungo kono-sogow la. An ye min kolo siyan, bee kera donso ye wa sogo fagacogo cayara. Donso daw be taa kungo kono, u be daje fila walima saba faga, wa u ni o sogo bee te so soro, a to be tijne kungo kono yen.

Ee ! n balimaw, aw yere k'a laje ni nin ye baara juman ye de ?

Daw yere be yen n'u ye sogo jogin, o mana boli k'i dogo tunin do la, u be siran ka don o nefe. O ceba jitow be mun ke ; u be Ala mine ka tasuma don o tu la, o be taa k'u bolo kasaara dan. Sogo caman be sa o tasumajeni senfe ten fu. Wa kungo fanba bee be jeni, a jenibaga kelen te don. O be kungo jirintanya-cogo min na a b'a sogontanya o cogo kelen na.

Nin degun kelen fana be jikono-sogow kan.

Fagacogo jugu yere ma to to an ka jikono-sogobaw la, i ko mali, bama, man.

Folo, bosow tun be jegeminsenninw mine, nka sisan misenman ni kumbaba si te to. Wa bi komonnaw fana ta ye jegesilasa ye, bawu u be jabi ke ji la, u be minnu soro, u be taa n'olu ye so.

Minnu ma soro, jabi sege b'olu

faga kaji la k'u toli yen.

- N teri donsoke ;
- N kan be e de ma ;
- E min be k'i ka marifa jeson ;
- E min be k'i ka kala laben ;
- E min be k'i ka npanmuru da diya ;
- E min be k'i ka jo laben ;
- E min be k'i ka dolen siri ;
- i te marifa sema donin
- i ka kala bila kerefe ;
- i ka npanmuru don a tan na ;
- i ka jo ni dolen bila !

N teri denmisew, a na ka wuluw te segin so !

A sera sa de ! An t'a laje nogen bolo, an te hine kungosogow la dosenin. U fana ye nimafenw de ye de ! Balojini ye tijne ye, nka silatunu fana te sinijessigi baara ye.

An ka kungosogow taara min ?

Bi, i be don kungo la, n'i ye wolo walima koro faga, i ka kungo diyara. N'i taara warabafleso la, an ka jamana sogo jenama si te yen. Denmisew be sogow don u ja damma de fe.

N balimaw, nin te taamasiyen juman ye de ! Ne ko baarada minnu b'an ka jiw ni kungow kolo si, olu taara min ?

N'an ma wuli k'an jo, an ka lamini sogow banna k'a sababu ke fagacogo jugu ni kungojeni ye.

An t'o konje laje nogen fe ?

Yusufu Fane

Kabako te ban djen kono dere

Nin climanke in min si hake be san 71 na jinan, a be kasos la kabi san 53 ! A sihake janfalen kasobon kono nin cogo la, o de y'a to a fana bannen be a ka yermaheronya la ka bo kasos la, ko barisa na le borda kasos la bi, o tenu ni ko were ye a ka djenatige taabolo kura damineni ke. A be kasobon min na, n'o ye "Ekisi-Lasapeli" kasobon ye, o kumalasela de ye kasoladen cekoroba in ka bankan ikkali kunnafonijininaw ye. Cekoroba in yere tegu ye Huberi Jlemani ye.

Ni Huberi Jlemani y'a la pini ke, a be se ka kasobon were lasoro min adamadenya na djenatige taabolo ka nogen haali, na be lafiya fana soro yen kosebe. O siratige de la, Huberi Jlemani y'a jira "Sudesse Zedunya" kunnafonisben kono ko : "Ni ne borda nin kasobon in na, n't'a d'en u be tad n bila yoro min. Ne dun ka kasos san gelenw be n kofe ka ban. Sisan, kasobon ye hakilisigiyoro de ye ne bolo sa !"

Huberi Jlemani be kasos la a meenna !

Kasoladen cekoroba Huberi Jlemani be kasos la kabi san 1953, n'o ye Irisila peresidan Sitalini faatusan ye. N'ka ye bilako caman ke ka bo kasos la, ani ka kosegin.


San 1970, k'a si to san 17 la, a ye boko do ke kasos la. O waati de kono, a binna a balimamuso kan k'o pini, ani k'o faga. U y'a mine ko kura k'a bila kasos la. A ye lafiyada do soro. O waati la, a y'a pini k'a yere woloba bene a ni nd ! O t'a bes ye.

San 1990 daminwaati la, a binna muso do kan, ka soro k'o kan kari. A labanna kabakuru ke k'o muso kuni, k'a faga !

Djen kono, bee n'i ka djenatige lateeda don dere.

Tumani Yalam Sidibe
de ye nin jemukan in saasa
"Les Echos" kunnafonisben kono
a boko 2854 ja 3 nan (Kabako kene),
k'a bayalema bamanankan na

Manden
(boko temenen ts)



Surukuba ka nsirasunko

Nin kera kərə suruku ani dəgə Nsonsan ye. Olu taara yaala la don də. U tilena ka yaala, fo ka taa tile se kuncə. U nana se nsirasunba də kərə. Nsirasun dulennenba tun bə, awa a dennen fanā kosebə. Nsira in den tun ka di. Nsonsan ko surukuba ma ko : an be se k'an yere lafiya yan, ka nisraden dun. U tora nsirasun kərə, ka to k'a den ci kb dun. Waati jan temenen, nsonsan ko surukuba ma ko : An ka taa ka bə yan dəre ! Donsow be ba kungo yaala, marafa b'u bolo fana. N'u y'an sərə yan o be ke baasi ye koyi !

Surukuba ye nsonsan jaabi ko : O ka ke. Nka, sanni an ka taa, a dən ko ne bə fe ka taa ni nsirasun in ye sijs kelen, ka t'a turu n bara. Sogoma o sogoma, n be to k'a den kelen kari, k'o dun !

Nsonsan ko surukuba ma ko : aa ! Ne ma deli k'i ka nin kuma in nəgən men fələ dəre ! Nka, n'i ko i be taa n'a ye i ka so, o be se ka ke. Nka, ne sen t'a la, n bolo t'a la, barisa n ma deli k'a nəgən ye fələ !

O kelen surukuba taara furabulu caman kari, ka na o ke finsigi ye. A ko nsonsan ma ko : Na n juun nsirasun na sa !

Surukuba ketə ka nsirasun juun, a ye dənkili min da, o file nin ye :

I da n kun, nsiraba, i da n kun ;
I da n kun, nsiraba, i da n kun tin.

Ne temen n fa kan,

Barisa ne fa ma nsirasun d'a kun fələ !

Ne temena n ba kan,

Barisa ne ba ma nsirasun d'a kun



fələ !

Nsirasun dara surukuba kun. O girinyara a kə n'a kunkolo ma, k'olu bə wolo wuli. O dimiya kəsən, a ko : I bə n kun, nsiraba, i bə n kun,
I bə n kun, siraba, i bə n kun tin.
Yafa i ka bə n kun

Yafa barisa ne se te ko la !

O yərə de kəra surukuba bolo daga wulila sonkala ma ye, barisa nsirasun desera ka bə a kun. Jaa, nsonsan tun belennen don a kəfə ka nsirasun ju bali ka jigin. A y'a to fo surukuba nəgəna kosebə, kə wəssi, k'a ka fəta bəe ban a kənə.

O waati de la, a y'a bolo bə nisrasun kərə. O fana bərə surukuba kun, ka taa turu a bədinge kənə.

Dəgə nsongsan y'i kanto surukuba ma ko : N y'a fo i ye te kərə ! A file, ne tun ko i kənə a ke, i ma sən ne ta ma, i y'a ke. I kə wolo n'i kunkolo wolo bəe ntarakilen file. Sisan, an ka taa so. N'a n sera sirafara la, bəe na taa i bara.

U taara. U kə faralen nəgən na, surukuba denw y'a nato ye yərə jan fe. A kera olu kənə ko sogo bilen de b'a kun.

Olu jagalila, k'u kanto ko :

- Ee ! Baba sogobatigi be ka na !

Surukuba nə sisilen sera u ma, k'i kanto ko :

- A ye taa ka bə n da la. N bəna sa, aw be nogolawuluya nisəndiya la !

Aa ! Nugumaya jugu ma ji dəre !

**Mamadu Nuhun Trawele
Ka bə Hamudalayi kin
na Bamako**

Jekabaara

Ləbəlikuntigə Səben jekula kəntigui

Tumani Yalam Sidibe

Səben jekulu

Yusufu Fane

Bakari Sangare

Tumani Yalam Sidibe

Regenw kabag

Amadu Jakite

Natclive dilanbag

Modibo Sidibe

Jaw tsbagn

Haruna Trawele

Ləberbagow oridinateri la

Madamu Jakite Worokiyatu So

Fatumata Cero

Madamu Ture Mama Jalo

Baarakeneqow

CMDTSNV - Ofisi Nizeri -

Ofisi iri - OHVN

Hake vətu : 16000

Batakisira : 2043

Negejurusira : 229 62 89

Jamana baarada -Seki zayedti təgəla

sira - Hamudalayi kin - Bamako - Webu

niməro

www.afribone.net.ml/jekabaara/

Vəkəsa k'aw ka dənniya labarika an baara kanw la, a ye qw wisa
don jamana gafe la an ka fasokaw la

